



Nr. 1463/13
08.12.2021

**REPUBLIKA E SHQIPËRISË
UNIVERSITETI “EQREM ÇABEJ”
GJIROKASTËR**

RREGULLORE

**E BULETINIT SHKENCOR
“KËRKIME UNIVERSITARE”**

Gjirokastër, 2021



KREU I
PARIMET E PËRGJITHSHME

Neni 1

Objekti i rregullores

Kjo rregullore përcakton organizimin dhe funksionimin e veprimitarisë botuese të periodikut shkencor të Universitetit “Eqrem Çabej” Gjirokastër (UGJ) “Kërkime universitare”.

Neni 2

Baza ligjore

Rregullorja mbështetet në nenin 18 dhe nenin 93 të ligjit nr.80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”; vendimin nr. 4, datë 17.03.2000 të Komisionit të Rikonsiderimit të periodikëve shkencorë; Statutin e UGJ-së, nen 84.

Neni 3

Qëllimi

Rregullorja ka për qëllim t'u ofrojë mundësinë e botimit stafit akademik dhe studiuesve të tjera, brenda dhe jashtë vendit; të përcaktojë kriteret e botimit, periudhën e aplikimit në faqen zyrtare elektronike të UGJ-së, vlerësimin e punimeve.

Neni 4
Gjuha

Në buletinin shkencor “Kërkime universitare” pranohen artikuj dhe rubrika të tjera në gjuhën shqipe dhe në gjuhën angleze.

Neni 5

Numrat e buletinit për vit

Si rregull, gjatë një viti publikohen deri në dy numra të buletinit shkencor “Kërkime universitare”, në varësi të artikujve dhe rubrikave të tjera për botim. Publikimi bëhet në dy forma, print dhe online.



Neni 6

Formati i buletinit

Buletini shkencor “Kërkime universitare” organizohet sipas formatit në vijim.

1. Kopertina (*ANEKSI I*) përbëhet nga këto elemente:
 - a. në krye: emri i universitetit, me gërma të mëdha, me madhësi (size) 12 (dymbëdhjetë);
 - b. në qendër: Buletin shkencor “Kërkime universitare”;
 - c. poshtë djathtas: viti i botimit të buletinit me shifra romake së bashku me numrin total të buletinëve të publikuar; viti dhe numri i buletinit për vitin përkatës; ISSN-ja;
2. Në faqen e parë (*ANEKSI II*) vendosen elementet në gjuhën shqipe dhe në gjuhën angleze, duke filluar nga lart poshtë si vijon:
 - a. Publikuar nga Universiteti “Eqrem Çabej”, Gjirokastër (në shqip);
 - b. Buletin shkencor “Kërkime universitare”, botim periodik, viti i botimit të buletinit me shifra romake së bashku me numrin total të buletinëve të publikuar, viti dhe numri i buletinit për vitin përkatës (në shqip);
 - c. Buletin shkencor “Kërkime universitare”, botim periodik, viti i botimit të buletinit me shifra romake së bashku me numrin total të buletinëve të publikuar, viti dhe numri i buletinit për vitin përkatës (në anglisht);
 - d. Publikuar nga Universiteti “Eqrem Çabej”, Gjirokastër (në anglisht);
3. Në faqen e dytë (*ANEKS III*) vendosen elementet si vijojnë:
 - a. Sigla e UGJ-së;
 - b. Botues: Universiteti “Eqrem Çabej”, Gjirokastër
Lagjja "18 Shtatori", rruga "Studenti" 6001, Gjirokastër;
 - c. Copyright © - Universiteti “Eqrem Çabej”, Gjirokaster;
Të gjitha të drejtat e botimit dhe ribotimit janë të Universitetit “Eqrem Çabej”, Gjirokastër. Asnjë material nuk mund të riprodhohet, kopjohet, ripublikohet, modifikohet pa respektuar të drejtën e autorit;
 - d. ISSN-ja
4. Në faqen e tretë (*ANEKSI IV*) vendosen në gjuhën angleze këto elemente:
 - a. Kryetari i Bordit editorial
 - b. Emri dhe mbiemri i kryetarit të Bordit editorial, paraprirë nga titulli dhe grada;
 - c. Web i universitetit: www.uogj.edu.al
 - d. Tel: +355 8426 3408
 - e. Përbërja e Bordit editorial;
 - f. Korrektorët gjuhësorë (për gjuhën shqipe dhe gjuhën angleze)
 - g. Koordinatori administrativ
5. Pas faqes së tretë, vendoset përbajtja me këto elemente:
 - a. emri/emrat e autorit/autorëve;



- b. titujt e artikujve apo rubrikave të tjera me faqet përkatëse në gjuhën shqipe dhe angleze;
- 6. Struktura e vendosjes së artikujve sipas rubrikave bëhet me vendim të Bordit editorial;
- 7. Në krye të çdo faqeje teke vendoset titulli i artikullit, ndërsa në krye të faqeve çift vendoset emri i autorit/autorëve;


KREU II

STRUKTURA ORGANIZATIVE

Neni 7

Përbërja dhe zgjedhja e Bordit editorial

1. Për administrimin e veprimtarisë së buletinit shkencor “Kërkime universitare” ngrihet Bordi editorial, i cili është organ kolegjal dhe kryesohet nga rektori i Universitetit;
2. Numri i anëtarëve të Bordit editorial dhe përbërja e tij caktohen me vendim të Senatit akademik;
3. Anëtarët e Bordit editorial përzgjidhen prej njësive kryesore dhe përmes kryetarit të Bordit editorial përcillen për miratim në Senatin akademik;
4. Bordi editorial organizohet në tri seksione:
 - a. Seksioni i Shkencave Shoqërore dhe të Edukimit;
 - b. Seksioni i Shkencave të Natyrës;
 - c. Seksioni i Shkencave Ekonomike.
5. Në krye të çdo seksioni caktohet një redaktor përgjegjës, i cili zgjidhet nga seksioni përkatës;
6. Kur një anëtar i Bordit editorial largohet për motive të ndryshme, zëvendësimi i tij bëhet nga njësia kryesore përkatëse, duke ndjekur procedurën e përcaktuar në këtë rregullore;
7. Senati akademik, me propozim të kryetarit të Bordit editorial, cakton koordinatorin administrativ, i cili nuk ka të drejtë vote dhe ushton këto funksione:
 - a. Pranon, protokollon artikujt shkencorë dhe rubrikat e tjera, si dhe ndjek ecurinë e mëtejshme të tyre sipas procedurave të përcaktuara në këtë rregullore;
 - b. Bën faqosjen e punimeve shkencore dhe rubrikat e tjera, pasi ato u janë nënshtruar plotësimit të kritereve shkencore, modaliteteve teknike, korrektausit gjuhësor;
 - c. Mban procesverbalet e mbledhjeve të Bordit editorial dhe përgatit e arkivon gjithë dokumentacionin e tij;
8. Senati akademik, me propozim të kryetarit të Bordit editorial, cakton edhe korrektorët gjuhësorë;
9. Anëtarët e Bordit editorial, koordinatori administrativ, recensuesit, korrektorët gjuhësorë paguhen sipas akteve ligjore e nënligjore dhe vendimeve të institucionit.



Neni 8
Veprimtaria e Bordit editorial

1. Bordi editorial i buletinit shkencor “Kërkime universitare” ushtron veprimtarinë si vijon:
 - d. Thirret periodikisht nga kryetari;
 - e. Mbledhja e tij quhet e vlefshme kur në të janë të pranishëm të paktën 50% + 1 (një) të numurit të përgjithshëm të anëtarëve të tij;
 - f. Vendimet merren me votim të hapur nga shumica e thjeshtë e votave të anëtarëve të pranishëm në mbledhje;
 - g. Miraton paraprakisht rregulloren e buletinit shkencor “Kërkime universitare” dhe ia përcjell Senatit akademik për miratim përfundimtar;
 - h. Miraton paraprakisht seksionet e buletinit shkencor “Kërkime universitare”;
 - i. Shpall thirrjen për buletinin e radhës në web-in e UGJ-së;
 - j. Zhvillon për secilin buletin jo më pak se 3 (tri) mbledhje, të cilat protokollohen;
 - k. Është përgjegjës për cilësinë e buletinit shkencor;
 - l. Pranon, shqyrton, recenson, redakton dhe miraton punimet për botim;
 - m. Mbron të drejtën e autorit, në bazë të legjisacionit përkatës;

KREU III
RUBRIKAT DHE KRITERET E BOTIMEVE

Neni 9

Rubrikat shkencore

1. Në buletinin shkencor “Kërkime universitare”, botahen këto rubrika:
 - a. artikuj shkencorë;
 - b. komunikime shkencore apo informacione të shkurtra (përmbledhje libri, informacion mbi projekte shkencore, njoftime, riview, falënderime);
 - c. recensa;
 - d. diskutime;
 - e. kronika shkencore;
 - f. përkthime.

Neni 10

Recensat dhe procedurat e recensimit

1. Recensat përgatiten sipas formatit standard, miratuar nga Bordi editorial (*ANEKS V*);



2.Për çdo artikull redaktori përgjegjës i sektionit përkatës, pas konsultimit me anëtarët e sektionit, cakton 1 (një) deri në 2 (dy) recensues, midis specialistëve më të mirë të fushave përkatëse, të cilët mund të jenë studiues vendas ose të huaj.

3. Recensimi i artikujve bëhet sipas kësaj procedure:

- a. Recensuesit/ve, përmes redaktorit përgjegjës të sektionit, i dërgohet artikulli pa emrin e autorit /autorëve;
- b. Recensuesi/-t, përcjellin recensat e përgatitura te redaktori përgjegjës i sektionit përkatës, jo më vonë se 1 (një) muaj për recensuesit vendas dhe 2(dy) muaj për ata të huaj. Në rast të kundërt, caktohet një recesues tjetër;
- c. Redaktori përgjegjës i sektionit relaton në Bordin editorial, mbështetur në vlerësimin e recensave, për artikujt e recensuar;
- d. Produkti i procesit të vlerësimit mund të jetë: punimi pranohet për publikim pa ndonjë ndryshim të mëtejshëm nga autori/ët; artikulli pranohet për publikim me disa rishikime të vogla nga autori/ët; artikulli refuzohet për mosplotësimin e kritereve të përcaktuara në këtë rregullore; artikulli refuzohet sepse autori/ët nuk është/janë përgjigjur pas dërgimit të komenteve;
- e. Redaktori përgjegjës i sektionit i përcjell autorit/autorëve artikullin, me të drejtën e rishikimit vetëm 1(një) herë të vërejtjeve brenda një periudhe 2(dy) javore;

Neni 11 **Kriteret për botim**

1. Në buletinin shkencor “Kërkime universitare” pranohen artikuj dhe rubrika të tjera sipas këtyre kritereve:
 - a. të jenë në formatin MS Word në A4, me hapësira boshe nga të gjitha anët 4.5 cm dhe shkrim *Times New Roman*;
 - b. të jenë të papublikuar më parë;
 - c. të sjellin kontribut origjinal teorik, eksperimental, aplikativ dhe autori/autorët të dorëzojnë karahas artikullit edhe deklaratën e origjinalitetit (*ANEKSI VI*);
 - d. artikujt shkencorë të mos jenë më shumë se 8 (tetë) – 10 (dhjetë) faqe, ku nuk përfshihen referencat, ndërsa rubrikat e tjera jo më shumë se 3 (tri) faqe;
 - e. Iloji i shkrimit font Times New Roman, madhësia e shkrimit 11, radhitja Jusify, hapësira njëshe (single space), numri i faqes duhet të jetë në anën e djathtë në fund të faqes,



- shkronja italike mund të përdoret nëse është e nevojshme, por nuk lejohet font "i theksuar" dhe "nënvizim" brenda tekstit;
- f. Punimi/et duhet të ndahan në seksione të përcaktuara mirë dhe të etiketuara me numrat "1", "2", ndërsa seksionet strukturohen në nënseksione dhe etiketohen me "1.1", "1.2" etj.;
 - g. abstraktet dhe bibliografia nuk janë pjesë e seksioneve;
 - h. gjuha e përdorur duhet të jetë e lehtë për t'u kuptuar nga lexuesit dhe e qartë për idenë që synohet të jepet;
 - i. forma e të shkruarit duhet të jetë në vetën e tretë;
 - j. shënimet në fund duhet të përdoren vetëm kur është e nevojshme dhe duhet të numërohen në të gjithë artikullin. Ato nuk janë të lejuara në abstrakt dhe në listën e referencave.
2. Punimet strukturohen në varësi të llojit të temës, por janë të detyrueshme këto elemente: titulli, autori(ët) në një rresht, të shoqëruar me adresën e plotë të vendit të punës sipas radhës së vendosjes së autorëve; përbledhja/abstrakti dhe fjalët kyçë në 2(dy) gjuhë shqip/anglisht; shtrirja/trupi i punimit; konkluzionet; referencat dhe shtojca (nëse ka).
 3. Titulli duhet të plotësojë këto standarde:
 - a. të jetë konciz e i qartë, konkret dhe specifik për fushën e studimit dhe të përçojë idenë qendrore të artikullit, pa përdorim formulash, simbolesh, inicialesh dhe shkurtimesh;
 - b. të vendoset në qendër, me jo më shumë se 15 fjalë.
 - c. të shkruhet me germa KAPITALE me madhësi 12 bold;
 4. Autori/ët (emri mbiemri) dhe adresa/adresat përkatëse, duke përfshirë dhe atë elektronike, vendosen në qendër të rreshtit (poshtë titullit), me shkronja të pjerrëta (italic) dhe madhësi 12 sipas modelit në vijim:

Autori i parë¹, Autori i dytë²

¹Pozicioni i punës, Departamenti, Institucioni

Adresa elektronike:

²Pozicioni i punës, Departamenti, Institucioni

Adresa elektronike:

5. Mund të përdoren dhe falënderime (por jo domosdoshmërisht) nga autori/ët, përmes të cilave falënderojnë gjithë ata që nuk janë përfshirë në masën e autorësisë për kryerjen e studimit (kontribut në grumbullimin ose analizën e të dhënave, redaktimin gjuhësor, financuesit për studimin e përshkruar etj). Paraqiten me shkrim 10, vijëzimi justified, hapësira midis rreshtave 1.5.



6. Përbledhja (shqip) dhe abstrakti (anglisht) përfshijnë një sintezë të objektivave të artikullit, metodologjisë së përdorur, rezultateve të marra dhe përfundimeve të tij, në mënyrë që lexuesi të dijë se çfarë përmban artikulli. Përmban jo më shumë se 150 fjalë për secilën nga gjuhët, shkrimi 11, i pjerrët (italic), hapësira midis rreshtave single, shmangen shënimet dhe referencat.
7. Fjalët kyçe janë një seri fjalësh, të cilat përdoren për kërkimin e të dhënavë. Zakonisht zgjidhen 4-5 të tillë, të vendosura sipas rendit alfabetik dhe midis tyre vendoset presje.
8. Trupi i artikullit (pjesa kryesore) duhet të ketë një strukturë të qartë, sipas përcaktimeve të shprehura në nenin 11 (njëmbëdhjetë) të kësaj rregulloreje.
9. Konkluzionet duhet të diskutohen në mënyrë të plotë dhe të mbështeten në rezultatet e arritura.
10. Referencat: përdoret mënyra APASTYLE (www.apastyle.org), sipas ANEKSIT VII bashkëlidhur rregullore; vendosen në fund të punimit të listuara në mënyre alfabetike në bazë të mbiemrit të autorit të parë; paraqiten me shkrim 10, vijëzimi justified, hapësira midis rreshtave 1.5.
11. Punimet e shkruara në gjuhën shqipe duhet të përdorin “ë” dhe “ç” kur është e nevojshme.
12. Shtojcat zakonisht janë dokumente të pavarura dhe ofrojnë informacione shtesë për punimin, si: përbledhje të të dhënavë të papërpunuara, detaje në lidhje me metodologjinë e përdorur etj.
13. Figurat, (fotografitë, skemat, grafikët, diagramet, hartat etj.), të janë të qarta dhe të mos i kalojnë përmasat e faqes (12x21cm). Indeksohen në mënyrë të njëpasnjëshme me numra arab. Titujt shkruhen poshtë figurës, të zhvendosur majtas, me shkronja të theksuara (bold), me madhësi 10 (shih modelin).



Fig. 1. Emërtimi i figurës

14. Tabelat integrohen brenda dokumentit bazë dhe indeksohen me numra arab. Titujt shkruhen sipër tabelës, të zhvendosur majtas, me shkronja të theksuara (bold), me madhësi 10 (shih modelin). Midis titullit dhe tabelës duhet lënë një hapësirë boshe. Në rastet kur tabela nuk është e ndërtuar nga autorि/autorët duhet të shënohet poshtë tabelës edhe burimi.

Tabela 1. Emërtimi i tabelës

Tekst	Kolona A	Kolona B
Tekst	1	2
Tekst	3	4
Tekst	5	6

15. Ekuacionet dhe formulat të jenë të shkruara qartë me simbole të pajtueshme për të mos krijuar keqinterpretime. Përfshihen brenda punimit të zhvendosura majtas dhe të ndara me një hapësirë boshe nga teksti. Indeksohen me numra arab të vendosur ne kllapa, të zhvendosur në të djathë të ekuacionit/ formulës, sipas modelit që vijon.

(1)

$$a) \sqrt[3]{90 + 7\sqrt[3]{2x+1}} - 5 = 0$$

$$b) \sqrt[3]{6 - \sqrt[3]{5x^2 + 12}} = 2$$

16. Emërtimet shkencore të gjallesave të shkruhen me shkronja të pjerrëta (italike);

Neni 12
Formati i trupit të punimit

- Si rregull, struktura e trupit të punimit të organizohet sipas këtyre elementeve: hyrja; sfondi teorik; formulimi i problemit dhe qëllimi i hulumtimit; pyetjet dhe hipoteza; metodat dhe materialet; rezultate dhe diskutime; përfundime.
 - Hyrja: sjell një paraqitje të rëndësisë së problemit që do të jetë në qendër të punimit; përshkruan shkurtimisht punën e paraqitur; objektivat dhe arsyet e ndërmarrjes së studimit, strukturën e punimit;
 - Sfondi teorik: bëhet një përshkrim i përgjithshëm i fushës së studimit ku është përzgjedhur tema për trajtim;
 - Formulimi i problemit dhe qëllimeve të hulumtimit kërkon: përkufizimin e saktë të problemit shkencor; harmonizimin e qëllimeve të punimit me problemin shkencor; parashtrimi i problemit të jetë i lidhur kuptimisht me qasjen teorike, por edhe me hipotezat dhe metodat e parashikuara të kërkimit;
 - Pyetja e punimit duhet të formulohet qartë dhe të nënkuptojojë një hipotezë kërkimi që mund të verifikohet; hipoteza e kërkimit duhet të jetë e formuluar saktë, në mënyrë që të shmanget dykuptimësia dhe kërkosat shtesë; është e rëndësishme që



- gjetjet të paraqiten në mënyrë të tillë që mund të arrihet në përfundime, që të kuptohen drejt dukuritë e hulumtuara dhe të tregohet se përvojat që pasqyrohen në to ndihmojnë të kuptuarit dhe lejojnë mbërritjen në përfundime të caktuara, të përcaktohet një numër kriteresh përmes së cilave një hipotezë pohohet ose mohohet;
- e. Metodat e ndryshme të përdorura në studim duhet të paraqiten në mënyrë të detajuar dhe materiali duhet të jetë i mjaftueshëm;
 - f. Rezultatet dhe diskutimet duhet të janë të qarta dhe të ilustruara në tabela, grafikë dhe forma të tjera. Rezultatet eksperimentale duhet të analizohen statistikisht dhe të nxirren përfundime në bazë të një besueshmërie statistikore;
 - g. Konkluzionet që vijnë nga rezultatet e paraqitura duhet të diskutohen në mënyrë të plotë dhe të mbështeten në rezultatet e arritura.
2. Citimet i literaturës në tekst/trup:
- a. të bëhet në përputhje me mënyrën APA STYLE, duke vendosur mbiemrin e autorit të parë të referencës pasuar me vitin e botimit (Jones, 2012);
 - b. çdo referencë e listës "literatura" duhet të citohet në tekst dhe anasjelltas;
 - c. citimet në tekst/trup nuk mund të janë pjesë e shkrimeve të papublikuara;
 - d. citimet në përbledhje dhe abstrakte nuk rekomandohen.

Neni 13 Procedura

1. Punimet për botim dërgohen në mënyrë elektronike (formati word) në adresën buletini@uogj.edu.al dhe në versionin print 2 (dy) kopje, në adresën: Universiteti "Eqrem Çabej", lagja "18 Shtatori", rruga "Studenti" 6001, Gjirokastër, Albania.
2. koordinatori administrativ regjistron datën e marrjes së çdo artikulli dhe ua përcjell për shqyrtim redaktorëve të seksioneve përkatëse;
3. Afati i pranimeve është 30 (tridhjetë) ditë nga data e shpalljes së thirrjes për botim në faqen zyrtare elektronike të universitetit, në adresën www.uogj.edu.al;
4. Numri i punimeve për çdo autorë/ bashkautorë në të njëjtin buletin nuk mund të jetë më shumë se 2 (dy);
5. Punimet nuk kanë tarifë për paraqitje dhe për publikim.
6. Për çdo punim me bashkautorë, dërguesit përcaktojnë autorin me të cilin Bordi editorial do të mbajë korrespodencën. Në të kundërt, si i tillë, konsiderohet *i pari* në renditje;
7. Pas botimit çdo autor/bashkautorë merr një kopje të periodikut ku është botuar punimi i tij;

Neni 14 Anekse të rregullores

Kësaj rregulloreje i bashkëlidhen këto anekse:



- Aneksi I: Formati i kopertinës së buletinit shkencor “Kërkime universitare”;
- Aneksi II: Formati i faqes së parë të buletinit shkencor “Kërkime universitare”;
- Aneksi III: Formati i faqes së dytë të buletinit shkencor “Kërkime universitare”;
- Aneksi IV: Formati i faqes së tretë të buletinit shkencor “Kërkime universitare”;
- Aneksi V: Formati i recensës;
- Aneksi VI: Formulari i vetëdeklarimit për originalitetin e artikullit dhe mungesën e plagjiaturës;
- Aneksi VII: Formati i shkrimit të referencave;





UNIVERSITETI “EQREM ÇABEJ” GJIROKASTËR

BULETINI SHKENCOR “KËRKIME UNIVERSITARE”

Viti XXXIV i botimit (42)

2022/1

ISSN:



PUBLIKUAR NGA UNIVERSITETI “EQREM ÇABEJ”
GJIROKASTËR

BULETINI SHKENCOR “KËRKIME UNIVERSITARE”

Botim periodik

Viti XXXIII, Nr. 42

2022/1

SCIENTIFIC JOURNAL “UNIVERSITY RESEARCH”

Periodical

Year XXXIII, Nr. 42

2022/1

**PUBLISHED BY “EQREM ÇABEJ” UNIVERSITY
GJIROKASTËR**





BOTUES

Universiteti “EqremÇabej” Gjirokastër

Lagjja "18 Shtatori", rruga "Studenti" 6001, Gjirokastër

Copyright © - Universiteti “EqremÇabej” Gjirokaster

Të gjitha të drejtat e botimit dhe ribotimit janë të Universitetit “Eqrem Çabej” Gjirokastër. Asnjë material nuk mund të riprodhohet, kopjohet, ripublikohet, modifikohet pa respektuar të drejtën e autorit.

ISSN:.....



EDITOR-IN CHIEF

Prof.dr.....
Universiteti “Eqrem Çabej” Gjirokastër,
Rruga “Studenti” 6001, Albania
www.uogj.edu.al
Tel: +355 8426 3408

EDITORIAL BOARD

1.
2.
3.
4.
5.
6.
7.
8.
9.
10.
11.
12.
13.

.....

Korrektuesi në gjuhën shqipe

.....

Korrektuesi në gjuhën angleze

.....

Koordinator administrativ

.....



R E C E N S È

E artikullit _____

I autorit _____

Fusha shkencore _____

Përbajtja e shkurtuar e artikullit:

Vlerësimi i artikullit:

Recensuesi

Gjirokastër, më ____ / ____ / 202____ (_____)



FORMULAR VETËDEKLARAMI
NË ZBATIM TË RREGULLORES SË BULETINIT SHKENCOR
“KËRKIME UNIVERSITARE”

Unë i nënshkruari _____ deklaroj nën përgjegjësinë time për:

Origjinalitetin dhe mungesën e plagiaturës në artikullin me titull _____

Data e dorëzimit të deklaratës _____

Emri, Mbiemri, Nënshkrimi



Shembuj për mënyrën e shkrimit të referencave sipas stilit APA STYLE

1. Shembuj referimi ndaj një publikimi në një periodik (revistë) shkencore:

Gersch, J., Hanrad, A., & Lupton R. (2000). The art of writing a scientific article. *Journal of Scientific Communications*, 163, 51-59.

Allen, M. (1995). The future of higher education in Australia. *Journal of Higher Education*, 15(2), 16-25.

2. Shembuj referimi ndaj një libri:

Back, W., & White, B. (1999). *Physics for scientists and engineers*. (3rd ed.). Neë York: Macmillan, (Chapter 4).

3. Shembull referimi ndaj një libri (me një organizatë si autor):

Department of Health Services. (2007). *Youth suicide in Australia: The National Youth Suicide Prevention Strategy*. Canberra, ACT: AGPS.

4. Shembull referimi ndaj një Proceeding të një Konference

R.G. Alsters, & M.P. Young (Eds.), *The sustainable control of Newcastle disease: Proceedings of international conference held in Canberra, Australia, 5-7 October 2005* (pp. 132-134). Canberra, Australian Centre for Agricultural Research.

5. Shembull referimi ndaj një përbledhjeje punimesh shkencore:

Mettam, G., & Adams, L. (1994). How to prepare an electronic version of your article. In B. Jones, & Z. Smith (Eds.), *Introduction to the electronic age* (pp. 281-304). New York: E-Publishing Inc.

6. Shembull referimi ndaj një gazete (versioni i printuar):

Gordon, M. (2011, August 20). The invention that changed it all. *The Times*, pp. 18, 22.

7. Shembull referimi ndaj një gazete (versioni online):

Norton, A. (2011, October 11). Why teaching must be rated. *The Times*. Marrë nga <http://www.thetimes.com>

8. Shembuj referimi ndaj një burimi në internet:

Allen, D. (2004). *Dealing With your meeting notes*. Marrë nga <http://www.effectivemeetings.com/meetingbasics/>

The Australian Psychological Society. (2008). *Understanding and managing anxiety*. Marrë nga <http://www.psychology.org.au/publications/> anxiety

